



## Universitätsbibliothek Paderborn

**ANATOMIAE LVTHERI || PARS PRIMA.|| Das ist/|| Auß den  
Siben boesen Geistern des vil See=||len verlustigen vnd  
also tewren Manns D.|| Martini Lutheri, die Drey erste  
Geister.|| I. Der Fleischlich ...**

Das ist/|| Auß den Siben bösen Geistern des vil See-||len verlustigen vnd  
also tewren Manns D.|| Martini Lutheri, die Drey erste Geister.|| I. Der  
Fleischlich geist.|| II. Der Lester geist.|| III. Der Lotter geist.|| ...

**Pistorius, Johann**

**1595**

**VD16 L 3592**

Newe Alcoranische Lutherische Gesatz vnd Regul auß der ersten Azoara  
gezogen.

**urn:nbn:de:hbz:466:1-35656**

leben mög (Dann solches für sich selbst wahr sein vnd volgen müs) Sondern ob ein Mensch durch die gnad Gottes sich selbst beschneiden köm/Das vnangesehen des Leibs tüchtigkeit er dañoch das Fleisch zemen/vnd alle Anfechtung mit der gnad Gottes überwinden könn.

Der wegen der Lutherischen entschuldigung mit des Luthers vorbehalt sie nichts aufztrage/ vnd haben sie damit weder Luthern noch sich zubeschönern/ Sondern bleibt einmal dabey/ Das Luthers irrige/närrische meynung dahin gangen/ daß einem tüchtigen Mann/ bey dem die Natur/durch Gott allein vnd selbst nicht vffgehalten/ geendert/ genommen/ verzogen oder aufgedort wirdt/ vñ in Summa/ wer sich ein Man oder Weib befindet/ aller dings unmöglich sey/ ohn heimliche Sünd sich eines Weibs zu enthalten/ Und da er es schon vermög/ thue er doch vrechte/ vñ köm ers am Jüngsten tag gegen Gott/ der jhn darumb sonderlich fragen werd/ nicht verantworten/ Das er nicht ein Weib nem/ Welches ich zu einer vorantwort alhie einführen/ vnd hernach/ waß einer lust haben möchte/ sich gegen mir ferrners einzulassen/ das überig erklären/ vnd des Luthers Freheit besser an tag stehien vnd bringen wil.

Allein woll der Leser sekund bey sich erwegen/ Weil dem Luther kein tüchtiger Mann außerhalb der Ehe ohne Sünd leben kan/ Und der zur Ehe tüchtig ist/ welcher der Natur brust befindt/ vñ geschickt ist Kinder zu zeugen/ Luther aber tüchtig/ vnd ein Mann gewest/ Kinder gezeugt/ vnd brust von Jugendt auff im Münchstand befunden/ Wie Ich hernach in der Sibenden Azoara vmbständlich anbring/ Das derhalb volgen müs/ Das entweder Luther/ wie auch zuvor geschlossen wirdt/ alhie öffentlich liegen/ ob ein grausamer mit Stunzen sünden vñ vnkenscheit beladener Münch jederzeit gewesen sein müs.

### Newe Alcoranische Lutherische Gesetz vnd Regul/ auf der ersten Azoara des Ersten Geists gezogen.

#### Lex Prima.

**G**est von Gott gebotten/ vnd ist Gottes Wort/  
Das ein jeder Man ein Weth/ vnd ein jedes Weib einen  
Mann haben müs/ Kan auch kein Mensch (Er werd dann  
zum Engel vñ bleib kein Mensch mehr) dem trieb der Na-  
tur

## Der Erst böß Geist

tur wehren/ oder/ wann er rüchtig ist/ Reuscheit halten vnd rein vnd ohn Sünd bleiben/ Sonder ist beschaffen bey Mann vnd Weib ntiger/ dann Essen vnd Trincken/ Schlassen vnd Wachen.

### Corollarium oder Ratio legis primæ.

Dann die Männer sein eines grossen theils eitel Weiber fleisch als darinn sie empfangen/ gewachsen/ geboren/ gesegnt vnd ernehrt sein/ Das gar unmöglich ist/ sich von den Weibern zu enthalten.

### Corollarium II. oder Ratio II. primæ legis.

Unmöglich ist/ Das ohn Gottes Born vnd Vngnad ein tückiger Mann ohn ein Weib/ oder ohn ein Willen ein Weib zu nemen sterb/ Er sey dann beschnitten. Dann Christus werd am Jüngsten tag ein jeden Mann fragen/ Wo sein Weib sey/ Weil er ihn zu einem Mann gemacht/ der ein Weib haben soll. Wo nun einer sein Weib nicht würd zeigen können/ So wirdt er bestehen/ wie Butter an den Sonnen.

### Corollarium III. oder III. Ratio legis primæ.

Gottes Wort/das in der Natur feckt/ das macht/ daß niemand ohn Ehe bleiben kan/ Und hat Gott die Ehe mehr dan gebottet/ Sunf heist es/ Fleust es nicht ins Fleisch ic. Wie der Saw Luther sagt.

### Lex Secunda.

Es soll ein Mann der Frauen Bild vnd Glid/ vnd ein Frans des Manns Bild vnd Glid in ehren haben.

### Lex Tertia.

Es soll jedermann nicht lang mit der Ehe warten/ sondern Jung dazu thun/ Ein Mann/wann er achzehen/ wie er an einem ort/ Oder zwenzig/ wie er am andern ort sagt/ Und ein Megdlein/wan sie fünfzehn oder sechzehn Jar alt sein/ Und sich nichts abhalten lassen/ Sonder augen/ohren/sin vnd verstand zuthun/vnd fortfahren. Man soll auch die Leut plagen vnd treiben/ vnd nicht vffhören/ bis man sie in die Ehe bringe.

### Corollarium legis tertia.

Man soll darumb frue zur Ehe kommen/ Das man etwas schaff vnd zu arbeiten hab.

### Lex Quarta.

Ein

Ein jedes Weib soll schwanger werden/ Kinder tragen vnd gebären/ kein aufgenommen. Darwider auch kein Gelübde oder versprechen hilfet/ Da sie auch schon zu todt sich mit Kindern tragen/ das schadt nichts/ sie sein darumb da.

## Lex Quinta.

Du solst nicht meynen/ Das der Geist Gottes in einem Christen des Leibs brennen auffhebe/ oder mit Kaffetien/ Gebett vñ Fasten dempfen kön/ Sondern die heiligen Väter für Narren halten/ die sich vil der Pollutionen beschwert/ vñ der Natur ohn ein Weib wehrē wollen.

## Primum Corollarium legis quintæ.

Dann Gott hat das Weib für den Mann geschaffen/ vnd diß Pfaster zu dem Schweren gemacht/ das man freien soll.

## Secundum Corollarium legis quintæ.

Dann das Mägdlin darumb hat/ was sie haben soll/ daß sie einem Mann helfe/ Wie auch S. Hieronymus soll bey der frommen Eu-  
Stochia leßung gesucht haben.

Schendlicher  
Bub/Luther.

## Tertium Corollarium legis quintæ.

Dann darumb ist bösen Anfechtungen des Fleischs wol zu rathe/ Wann nur Jungfrauen vnd Weiber/ oder auch Nunnen vorhanden sein.

## Quartum Corollarium legis quintæ.

Dann man kan die Natürliche schöpfung bey den Männern an-  
derst nicht zwingen/ dann mit Weibern/ Und hilfet ein Weib mehr  
dann all Gebett vnd Fasten.

## Lex Sexta.

Du solst wann du schon Keuschheit gelobet hast/ doch allen Con-  
cilien/ Kirchen vnd Vättern zu Trutz/ ein Mann oder Weib nemen.

## Lex Septima.

Du solst halten/ Wer Keuschheit gelobt/ der thue so vil/ als wann er Ehrbruch oder ander Sünd gelobt/ oder als wann er ein unniiglich oder verdampt Werk versprech/ Als daß er wolt Gottes Mutter werden.

## Lex Octaua.

Ein

## Der Erst böß Geist

Ein Kind soll von Eltern ein Ehegemahel zu begeren sich nich schemen/ Und wann die Eltern das nicht thun/ soll es für sich selfs ein Gemahel nemen/ Es gefall Vatter/ Mutter/ Freunden/ oder Feinden.

### Lex Nona.

Jedermann/ so vom Adam geboren/ muß widerumb Menschen von sich ziehen vnd kommen lassen.

### Lex Decima.

Der Mann soll weder heiliger Fest/ noch der erste Hochzeit nach noch anderer Mängel an den Weibern schonen/ wann er ihrer darf/ Und durchaus nichts aufnehmen/ Auch nicht dem Tobiae/ so bis in die dritte nacht gewartet/ Sondern dem Patriarchen Jacob volgen/ da die erste nacht beigelegen/ Und soll jeder sich des Weibs brauchen nach dem sein Not ist.

### Corollarium legis decimæ.

Dann die Braut ist des Brütgams/ vñ das Weib des Manns Was nun Gott eimēn gönnet/ Soll ihm S. Peter nicht wehren.

### Lex Undecima.

Es soll auch kein Mann macht haben vom Weib/ oder das Weib vom Mann/ ohn erlaubnuß über Feld zu ziehen/ sondern vorhin vneinander erlaubnuß nemen/ Und wann diß geschicht/ sie heid bisz ankunft der abgezognen Person Reusch bleiben.

### Corollarium legis undecimæ.

Ex contrario/ Wann eins dem andern nicht erlaubt/ vnd das selbig doch fortzüg/ Soll das daheim bleibend macht habē/ nach einem andern Mann sich vmbzusehn.

### Lex Duodecima.

Du soll ein Ehe/ wie armutselig sie ist/ vil höher dann ein einsam leben/ vnd gegen disem für ein Paradeiß halten/ vnd die Müncherey wie den Teuffel fliehen.

### Lex Decima tertia.

Wann auch schon ein Mann selbst Kinder trüg/ Solt man doch Weiber

Weiber nemen vnd kônde ihr nicht emperen.

## Lex Decima quarta.

Braut vnd Brütgam sollen vor der Hochzeit nichts dencken/  
als wie sie mit den Gästen frölich sein vnd zu Bett mit einander gehn  
wollen.

## AZOARA II.

Des Ersten bösen vnd Huren-  
geists Lutheri.

Daz zwei Gestalt im Nachtmahl  
den Christen zu reychen/ nicht also nötig sey/  
Als nötig ist/daz man München/Pfaffen/  
vnd Nunnen das Heyraten gestatt. Item/  
Wan schon ein Priester/Münch vder Nun/  
kein Brunst hab/daz er doch Gott vnd dem  
Ehstand zu Ehren/vnd dem Bapst zu Truß  
sich in den Ehstand begeben soll.

Tomo 2. Anno 22. fol. 90. Im buch von bei-  
der Gestalt. ic.

**D**az Priester sich beweiben/ vñ die Münch/  
Nonnen/ z. frey sein sollen/ aus dem Or-  
den zu lauffen/ ergert auch gröhlich/ vñ er-  
sürnet auch die Papisten vber die massen/  
Da liegt aber nichts an/ Ich hab droben ge-  
sagt/ Wo man den schwachen Gewissen  
weichen kan/ soll mans thun/ daz man sie  
nicht zerrüttele/ Doch so fern/ daz es müge vnd könne gesche-  
hen/ ohn versehrung der ding/ die sein müssen z.

F

Wer